

兩

浙

輶

軒

錄

兩浙輶軒錄卷三十八目

徐炎 方志衡 樓廷輝 吳明杰 周顯槐

王瀛史 吳鼎玉 劉遵調 劉傳鏐 丁文鑑

韓綏之 郎師夔 沈榮錯 蔡本莪 馬以恭

霍維瓚 張勳 韓肇基 葉封唐 勞涵

馮賡雪 鄭拱秀 陳兆燾 馮湘夔 方嶽

方洪 曹臨 龔世俊 邢璉 俞元之

方志緒 方志宏 趙鳴岐 周昌霽 趙仍星

吳寬 余嵩 林峯奇 陳華組 徐時泉

徐肇基 包祖賢 胡奕勳 程兆鏗 來起峻

許奎 陳熙 許申璵 謝謙 孫元灝

邵胡然 何宗顯 孫鍵 周宗杰 汪步蟾

倪維鏞 吳燮元 汪繩祖 倪印元 陳沆

曹有光 楊煥綸 許琳 祝宣 張廷琮

張景筠 章志伸 卜兆熊 錢應梅 王堂

顧其銘 葉莊 楊祐 范封 項本立

陳文鑑 張光提 祝霞 祝霞 汪夢心

潘孝基 袁璉 吳應奎 陸祖授 孫晉寧

俞邦成 陳光典 姚惇德 葛懋勳 方廷璵

祝德星 徐紹鈞 陳傳德 周利親 陳文枏

張光復 陳浩 陳文棟 沈德基 倪善理

金樸 陸志道 周霽 周霞 吳文溥

雨漸輭軒錄卷三十八

督學使者阮元

徐

炎

字敬聯號蘭脰餘姚拔貢生

蔡英曰蘭脰有志之士晚得一官以憂歸自刻其在蜀時游覽之作其警句云山果無聲隨處落瀑花如雨亂空飛星河絕塞秋來早木葉空山夜響多

吳江道中

蟬紗輕敞碧窗遙門外純香繫畫橈未晚沿江燈火上十家

樓館九吹簫

方志衡

字秉鈞一字耐谷金華貢生著經

曹位曰耐谷姓方樓藏稿含清山房藏稿

詩文宗仰古大家藏遊抗董浦之門所業益進

抗世駿贈耐谷宜樓詩曰方君憤甲神仙侶舊佐初平

此年處至今怪石獨吟嘒嘒飲水懸崖紛可數方君讀書

窮日夜異地重逢呼酒下稱詩談賦只尋常無益詞章

一例罷半年伴度短燈檠為說金華山水清洞天福地

吾能記蔓壑枝翠夢尚縈君築高樓補山缺月出西峯

山雨滋宜晴宜雨宜讀書斷絕人間往來迹嵐光映几

捐硬黃湘簾徐拾山柏香前峯雲起後峯暝花塢煙深
竹塢涼此中國畫須著我飯後拈棋輪亦可樓居難得
四時宜不用
西湖寒畫舸

秋日作

誰不說高介而我榮歸田行與樵者偶高枕松下眠雞犬聚
柴門竹柏森人煙朝夕之所經男耕女劈綿即此砥薄俗竊
自希前賢況當時暮秋景物方澄鮮九度錯如繡四圍楓欲
然臥遊駐一壑却維靜者便秋意不在遠領取籬花前籟寂
感故人隔隔蒼蒼煙

樓廷輝

字光有一字維峯東陽諸生著藍峯小草

樓上村曰藍峯年十二能文見推名宿家於詩原山樓
氏自宋以來即與桂坡之李雅溪之盧稱東陽三詩派
至藍峯而現則杜韓峽傾濤越裂震手大方之家矣
嘗館浦溪地多虎藍峯為草擬逐之虎即帖耳去

織婦篇

唧唧誰家女絲絲長弄梭夜長不得息觸手秋風多秋風入
我房秋月照我戶一絲續一絲借問婦何苦答言婦有翁有
翁復有姑姑老皺雙頰翁不任荷鋤膝前所嬌兒嫵婉七歲
子索要糜粥嘗驚呼淚如水丈夫在他鄉歲晏不得歸要待
室中帛作汝身上衣衣長丈六尺衣短猶半匹萬緒復千頭
心煩手不結忽忽剪下機謂言機有餘有餘翻不足及帶無
襟裾叩門爾何人縣官要秋稅請將機中絲聊供草鞋費

吳明杰

字偉人一字薌泉東陽諸生

樓上片曰薌泉知名最早年十五余過雙桂書館有問
七律佳句者余爲口舉唐宋金元明五朝詩百聯薌泉
從隔壁手錄已出一紙見
領則百聯悉在不誤一字

讀葉栗垞遺詩寄周日千

家駒

識語龍蛇厄已展騎驃忽又了殘春誅文自有先生婦遺稿

應歸後死人風雪歲拋梁苑內杜蘅香落楚江濱
塞山舊是論交地故事何年為勒珉

周顯槐

字應三東陽人著西廬小稿

葉蔡傳異曰周生嘗夢隨歐陽子遊平山堂白號六一
侍者王辰作夢賦余見之勿釋生善病藥餌無虛日余
恐其為王延壽也賦成讀之出有人無類莊生所謂栩栩
然蓬蓬者意乃釋然然閱一歲而生竟死矣死之前二
十餘日夢一長鬚等之花墅中有六七少年迎出指生
曰六一侍者來矣延入曲室酌生酒請誦所業每一篇
竟輒稱善曰我輩中人也此間樂可
勿歸生告余余以為不祥未幾卒

九日登高懷廸功二兄

故園登望首頻搔
撼撼霜林萬竅號
烏帽當風蹲石磴
青天決臂見秋毫
雲山北去蟬聲斷
信使南來雁影高
借問燕昭臺上客
幾人載酒共題糕

王瀛史

一名夢遠字象乾一字環溪東陽人著環溪詩文集

樓上層曰環溪不泊舉業爲人不衫不履
自標高格環進士蔡品之爲臺佟焦先

題周應三顯槐絕命詞後

晨光步東門誤入鬼之窟鬼伯請吟詩吟成聲咄咄我輩號
嘯技靜夜弄風月惟於清韻歌腸枯口亦拙請君撰幾篇慰
我岑寂骨此處堪長存號稱極樂國命徒慎防守歸戒逸倉
猝世久罕知音鬼何念之切士爲知己報一死焉足惜

遊水竹塢途中遇雨

雲合不知山萬重入谷出谷花濛濛茅屋欲近路轉曲鑿開
石處懸流淙源潭無魚逗紅葉鳴鳥岑寂孤秋容南山雨過
北山翠風歛一笠巖頭松泥溽有聲消雙屐小童問我來何
從山上著烟山下客谷口飛出長鳴鐘

吳鼎玉

龍泉貢生
著楚遊吟

食鯪魚

食指朝來動鯪魚蒸滿盤來從道士洑出給腐儒餐美可侔
王鮪腴還勝鮓殘因人嘗異味放筯起長歎

泊湖口縣大王廟前作

江水歸槽波浪平舵工力倦難強行祈風爭到大王廟落日
正當湖口城林樹秋深少氣色野禽天暖多音聲石鐘山好
面前是一聽春容潭底鳴

冬日閬桐下讀書圖有感復題其上

霜風又到竹筴籬東卷東歸已悔遲空被槐花忙一月山間
老却碧梧枝

劉遵調

字梅中號北池山陰監生

八月十一夜燈下偶書

住老窮鄉雨鬢絲近懷未許故人知
縱教病劇還耽酒不爲愁多竟廢詩
露池桂花秋寂寂風吹梧葉夜遲遲
解衣要覓家園夢恰好塔前月落時

劉傳鶚

字若蓮號劍菴山陰人

游天章寺

新涼含氣爽古徑入秋深
塵跡不到處雙扉連竹陰
暮鐘迴碧落獨鳥語空林
欲問冬青樹茫茫何處尋

江村雜興

缺瓜船小水紋層秋老江村采嫩菱
一角茅簷低傍柳斜陽影裏曬魚罾

映水柴門晚翠明炊烟樊圃綻香橙
愛聽十里菰蒲路放鴨聲兼打稻聲

丁文鑑

山陰人紹興府學諸生

朱文鑑曰丁君清才雋穎嘉慶丙辰歲試冠軍方以遠大期之遠嬰疾不起訪其家得遺詩一冊末有咏薔紙一篇殆絕筆也句云文拙此日終綸緒絲盡當年錦繡胸是其識矣

咏苔

梅雨日連綿空堦疊萬錢
恰宜花影護不使屐痕穿
綠滿數弓地春歸三月天
閉門無客到一色映青氈

南園卽事

藥林翠色滿青襟
傍晚閒遊愜素心
修竹不知廉士宅
悞將日影細篩金

韓綬之

字斯來蕭山諸生著南浦蠅鈔

歸思

負酒滄浪艇烟深
有老漁曾遺招隱賦
不寄絕交書
衰草平

沙岸殘楊淡水居此中知已在歸去意何如

郎師夔字敬甫蕭山龍生

客韶陽送二弟景緇之省城

作客三千里偕行有弟兄如何雙雁影忽隔五羊城
琴劍蕭蕭味輪蹄故國情今朝魂夢裏春草逐愁生

沈榮鏘字皆金號寶菴蕭山諸生苦應絃集

蔡英口寶菴富家子少失怙恃長于僕傭之手年至十五四子書猶未卒業其族人為延師教之授以舉業一再過即捉筆效為之未幾入學食廩援例得補教職其內兄童鶴街太史招之入都途次揚州疾卒有應弦集一卷皆擬樂府體

白紵詞

畫閣朱費玳瑁梁象几珠簾蘭麝香華筵繡褥陳高堂露羅
旌螭魚羔羊蒲萄琥珀泛瑤觴錦屏樺燭生輝光燕釵蟬鬢

兩浙輶軒錄卷三八丁文鼎修之郎師夔沈榮鏘

五

耀紅粧整容斂色奏笙簧輕絲脆竹調宮商徐歌緩拍聲悠
揚春鶯日暖語綠楊輕羅薄綺裁衣裳鳳履窄小鴛袖長青
蛾微舒皓齒張翩若飛燕臨風颺嬌如白鶴入雲翔清颺拂
面生微涼酣歌暢舞樂無比側弁酡顏相徙倚星稀月淡天
如水漏殘燭滅棲鳥起一夜霜風蒲萑死

蔡本我

字夢坡諸暨歲貢生
著夢坡詩草一卷

宿鉢池庵

菴去龍井數
十里武茶甚美

捫蘿直上白雲隈翠巘幽崖一徑開泉洗鉢香花引入月窺
窗影竹移來山翁見客遙相喚野鳥忘機近不猜龍井好茶
能解渴今朝且勿待鳴雷

馬以恭

字鼎範諸
暨諸生

蠡城竹枝詞

眞珠簾箔紫綃帷只許春來燕子窺閒伴小姑花下坐背人

低唱十香詞

江干百曲柳吹綿開殺茶鐺與酒船三月黃魚初上市舟人爭買不論錢

野徑

野人尋藥事步履過疎籬細雨濕苔逕寒烟生竹陂樵歸村杵促鳥帶暮鐘遲意愜能忘返狂吟只自知

霍維瓚

字莫與餘姚諸生

邵晉涵虛白齋詩草序曰莫與弱歲卽能詩稍長樹志慕古所作日多句鍛字鍊磨肺腑變而語益工雅好表其後博觀羣覽不輕摹擬其體屢變而語益工雅好表章古人殷前數年輯縣中先正詩自六朝至元明扶微探幽部分條繫又掇其遺言軼事爲姚江詩話又寄書京師索鈔宋孫燭湖元宋唐輩遺稿至再三不倦其志汲汲乎惟以占人不傳是懼今稿本具存蒐討甚富簡端帙末時有增損余又悲其力能傳人而未竟其業也

宿慈雲寺

旅宿招提境蕭然萬象澂窗寒數峯月僧定一龕燈研凍水生骨宵長被有棲坡公題句在吾擬搗溪藤

遊勝歸巖洞

徑向秋山去不知山路深洞門晴有氣巖壑晝長陰怪樹懸崖挂游魚帶葉沈會須風雨夕來此聽龍吟

張

勲字載常號采尊又號夢雨
餘姓諸生著綠雪軒詩草

江上對雨

十日掩柴門溟濛斷客魂亂帆天際重春樹雨中昏硯潤新蕉葉衣蒸舊酒痕桃花三尺漲漁市上河豚

山陰道上

閒載琴樽自在行遙峯如黛露新晴朱櫻白筍春風足碧草

黃鸝水郭清蠶值三眠喜寒淺茶當新焙愛香輕鑑湖到處
漁人宅時聽鳴榔一兩聲

韓肇基

字奕盤號已亭餘姚歲貢生舊已亭詩鈔

宿甘泉畝

太古無近心空山斷俗想搜奇競登涉浩然遂孤往啖蔗得
佳境剝蕉見幽賞白日不稍待暮色起蒼莽逕投甘泉宿來
試甘泉爽山齋雨欲至風竹蕭蕭響欹枕不成寐一燈耿虛
幌

葉封唐

字晉藩號芝谷上虞諸生

雨中山行

一路水潺潺奔流細草間鳥鳴知有樹雲重欲無山詩得林
泉趣衣沾露雨斑仙家何處是向鶴問柴關

勞

涵字德純號粟海龍游拔貢生官布政司經歷

七里灘晚泊

盡日舟行處溪迴斷岸分灘聲挾秋雨樹色擁寒雲鷗鳥晚
同宿漁歌遠更聞今宵石壁下客思正紛紛

舟中夜坐

夜靜秋方覺孤舟睡未能溪寒沙印月岸近樹依燈對酒還
同伴辭家絕類僧年來江水上信宿記吾曾

溪行卽事

山路隨溪轉移舟傍淺沙斜陽晒漁網踈竹露人家換米惟
沽酒燃薪足煮茶撩人秋色好霜葉已如花

雨霽登鐘樓晚眺

欲縱雙眸闕危梯可共攀清磬千聲雨暮色一樓山倦鳥投

林宿耕夫叱犢還數聲鐘韻過簷外月痕彎

春暮送陳晚蘭歸洪院

落花時節悵離羣黃浦春潮燕尾分芳草連天新夢遠暖風
如酒客顏醺依樓笛弄三更雨道渚鴻歸一片雲何日松岡
重握手西窗翦燭共論文

馮廣雪

字獨修號增
日臨海諸生

陳舉曰瑤田為秦沐雲門下高足以詩鳴性愛才同邑
高才生鄧青門廣亭以試事卒於武林瑤田效杜七歌
哭之晚蘭心桑梓故實重輯

仙巖大忠祠錄剛定為四卷

滴水灣當時父老歌云黃山環滴水灣秦公討賊在此
間東接洪洋西草莒賊旗搖曳愁人顏秦公討

賊何
時還

秦公豪傑士討賊死空山血戰洪洋渚魂歸滴水灣睢陽殘
壘沒峴首斷碑間祠墓今何在荒涼淚欲消

金鼇懷古

金鼇屹立起崖門水色浮天島霧屯南渡未消千古恨冬青
已掩六陵魂潮催海雨荒城暗樹擁江雲野戍昏當日行宮
何處是一碑寒影臥苔痕

玉輦曾經此地過中興事業恨偏多甘從狡相成和議不念
將軍喚渡河鐵騎旣難嘶朔草金鼇徒自吼風波可憐五國
思鄉目空把歸情訴九哥

遊崖潭弔古

宋末黃巖卒大昌起兵抗元旣戰死從妹
則娘攜妹及大昌二女俱投崖潭死村中

婦女從死者不可
枚舉郡縣志失載

削碧峻嶮壓碧潭則娘從此碎冰肝兒能報國揮長劍妾自
完身赴急澗玉骨已隨溪月冷霜魂還逐水雲寒崖潭寂寞
空山裏誰作清風嶺上看

鄭拱秀

字遜德號新吾
乾隆己酉
欽賜副榜貢生

柏畧齋中留春

節物驚心又禁烟池塘芳琰綠芊綿何當艷李天桃候半是
斜風細雨天柳葉絲絲牽遠思鶯聲草草送流年只看生意
窗前好爲囑春光且少延

陳兆燕

字蒼舒號蒼園天
台人著竹山房稿

國清寺龍溪和尚招賞菊爲事阻薄晚始至

爲赴黃花約重過紅葉村溪邊流水住山外夕陽昏笑我來
何暮煩師久倚門雨花最深處對月且開樽

半江樓卽事

昔日題名處詩人幾度遊何當明月夜却憶舊時樓我亦天
邊客來尋江上秋故園歸未得應爲暫淹留

過平溪

如畫峯巒入望棚，踏青剛到小溪頭。
遠山欲暝銜紅日，春水初生泛白鷗。
村北蒼涼松裏寺，橋南清絕竹間樓。
平生不盡登臨興，是處烟波好放舟。

馮湘巖

字善韶，別字舜琴，臨海人。廣雪子著，梅窗小草。

咸學標曰：舜琴年十六卒，所著梅窗小草附見其父瑤川集。

羽山來鶴亭

海天遼闊景冥冥，無數峯巒吐遠青。
回望並無來鶴影，萬松

深鎖羽山亭

方

嶽字雲龍，一字石耕，金華人。官廣信府通判。

樓上層曰石耕，由通判歷署饒袁贛三府知府，皆以政績聞。予存稿弟國泰記憶得如干首，國泰字又二，工樂府，與同邑曾開泰張作補方應麟曹位翁翁履瀚萬瀚為詩會，我樓我按者又二之，藏書處也有書萬卷。

遊赤壁作

酒醺橫江一葉舟，短簫長笛泛中流。
山開白鳥斜陽外，日落蒼烟古渡頭。
破敵周郎原絕代，題詩坡老亦千秋。
登虬踞虎重舒嘯，落月帆檣寄遠愁。

方

淇

字衛瞻號一齋金華
拔貢生官桐廬教諭

方國泰行狀畧曰：先生官振興文學，邑士愛敬之。晚
拔徙北山，負笈者雲集爲文，卓偉挺勁，藝士風向一變。
遺窮爲邵聲芳作。

我有梁上燕，不啄勢家粟。我有林間鳥，不集勢家屋。
翻飛雲霄間，隨在得棲宿。丈夫慨志古，遇豈憂局促。
帶經可負薪，開簾或賣卜。古來盛賢達，不恥泥塗辱。
紛紛輕薄兒，竦肩揚其目。偃鼠飲大河，嗜然老鼓腹。
不必渠不驕，道在我自足。不必渠不吝，道在我無欲。
陋巷有餘樂，勺水有餘馥。詩書爲麴蘖。

文詞爲杼軸自抱金石聲何必窮途哭彼蒼有人境我適與
之觸觸之聊相戲焉用話流俗余也貧到骨破甕塵滿斛婦
子六七人閒談盡一粥偶作遣鬼詞淋漓濕方幅擬逐貧送
窮偶一蹶遺躅此甚非良方願汝慎勿續贈爾世態中清涼
散一服服此方有驗日久雙眉綠仰看摩吳穹何日無黃鵠

哭家乘鈞

志衡

茫茫百感動傷神回首交遊二十春校藝連牀來古寺探奇
攜手到朝真自來吾族饒佳士從此名山失主人地下何當
埋玉樹空畱老眼哭荒榛

秋夜

天空雲淨此夷猶月落銀河澹不流穿竹蟲聲先到耳渡江
山勢欲吞樓半窗北斗懸孤夢一部南華寄遠愁身世那堪

擔老病幾番風雨白人頭

曹

臨

字日甫一字旭亭金華諸生

曹位曰旭亭爲文冥心獨造不由徑徑傳文光婉以詩云心歸天外非非想吟八愁城字字秋其風格可想

讀書樓

讀書樓傍小溪灣直置元龍百尺間入世何妨長見屏恆心
剛是許倫閒最關懷處論文友不碍眼如當牖山自笑生平
成底事也教搔得鬢毛斑

東傳竹溪

文光

驢背風霜驛路身邇來文酒倍情親昌黎自是起衰手太白
原非下界人畱得鳳毛飛有日成爲麟角定如神天公別有
憐才意珠玉盈編肯道貧

龔世俊

字秋羣一字樸園金華恩貢生

同斤首千象

卷三

曹臨龔世俊

已亥中秋雨久望晴聞蘇贊府智亮有看月不如聽雨

好之句因作此以志

人能幾中秋忽忽便已老勉敦一夕歡筵開熟香稻願乃盛
流雲彌穹翳西顙陡敵鴛瓦鳴不任兔藥搗卓哉蘇贊府謂
境可心造借如翫月佳何似聽雨好燭盡意彌清夢殘興未
了剛是豐年徵長歌到侵曉

泊舟七里灘

峽劈滄江兩岸秋耐尋思是上灘舟柁傾不斷雲千里篷轉
驚拋月一鈎邨口犬嘯黃葉路竿頭鷗狎白蘋洲釣臺剩有
星如客但恨無緣覓酒樓

邢璉字聖殷一字卒齋金華諸生著愛吾廬集

曹位曰率齋滿齋尚奇說然於可睡之表所居愛吾廬
詩花徑石羅列四映每春秋佳日邀友朋酌詠賦以為

常所著雙壽詩一時名流和者幾

遍詩不求雕琢期于適興而止

祝雙壽詩癸丑元日作

方一齋先生壽五月五日家嚴壽九月六日

風光虛度五十五得天差幸人鮮伍索梨下有七歲孫登堂
上有八旬父尋山問水不知勞天與精神健如虎鄉里授徒
廿五年門生又作教學祖絳帳上有七旬師夜半評文不知
苦呼兒五月九月間安排壽筵肅樽俎斑斕一領老萊衣日
日翻天滾地舞端陽舞起到重陽清晨便把名香炷祝拜天
地君親師師壽父壽喜可知先生罵我襍襍子家嚴打我老
頭皮越罵越打越歡喜誰能占得我便宜問我師壽何所祝
菖蒲一盆蓮一池問我父壽何所祝囊額茱萸黃菊枝先唱
龍舟競渡句後歌龍山落帽詩自是求之不可得雙雙白鬚
撚白眉童顏鶴髮真風采何用採食商山芝同人齊祝五月

五唯我再祝九月六奉師先獻詩一篇奉父後斟酒一斛先
生膝下有曾孫家嚴四世亦以續階前男女別兩行堂上壽
詩挂百幅山家氣象日輝煌人生唯壽先五福難報劬勞教
養恩盥手敬書雙壽祝

俞元之

字貞起號介石金華人

金華詩錄介石與同邑朱欣魁交偕遊京師秋魁中已
未武狀元得官欲偕行輒然歸寄情山水酌酒賦詩以
遺

夜坐

書樓夜獨坐正當風起時孤懷方寂寞萬籟復參差回憶十
年事含懷只自知歲月老將至撫躬終何爲不如一斗酒長
吟聊自怡

壯年不肯飲老去空自傷提壺欲沽酒羞澀剩空囊此心成

鬱結詩思亦茫茫偶讀少陵歌添我逸興狂如過飲中仙把
袂來醉鄉

方志緒

字又張
金華人

步月卽事

山南踏月回涼生晚衣薄開軒散宵次清賞結寥廓簷樹戛
簾鈎蛙鼓聞風鐸興到卽悠然緬彼東山鶴

方志宏

字克大一字擴齋金
華人著愛雨軒集

富春江早發

大江湧我前秋意渡頭草我行有期程棹撥篙工早推篷觴
舉丑把盞飲未卯岸夾烟嵐蒸窗啟風枝拗雲凝樹不孤雨
重帆難飽回首望嚴陵茫茫浪花攪

姑惡詞

兒思歸為蜀杜鵑女遭溺為海精衛銜冤茹歎知何涯口血
費盡難為計嗟汝小鳥春復春聲聲姑惡啼酸辛人言此是
古孝婦魂魄不死哀蒼旻我謂此鳥殊不道孝婦只應說姑
好汝管汝置奈姑何那有申申訴昏曉姑本不惡柔且慈婦
但能孝當知之君不見汲江守肉姑猶疑未聞化鳥啼春枝

趙鳴岐

字商一號儀軒東陽諸生

樓上層曰儀軒長身如立束修敦古自厥考洲承先生
以來五世同居不下千指鵲然有浦陽王鄭之風儀軒
偕其弟煥文燦文鳴善鬚髮皓然尚五
相磨琢所為詩淵湛澄秀得唐人遺音

偶釣

露急風高迅紫流江清石碧坐扁舟篙工不省持竿意却道
魚兒不上鉤

周昌壽

字旭祥一字拙齋東陽茂貢生著拙齋集

樓上層曰出齋居玉山環玉山界可百里皆巖壑
之小益州元平章周如玖以詩名家迫入
國朝玉山之以文名者必以拙齋父芟亭先生為稱首
預嘉禾朱笠亭金華詩錄之選見有周顯槐詩一卷拙
齋三子長顯槐次顯
江次顯皆能詩

驟雨

驟車雲開甲光赤前走豐隆後風伯捲起星宿拋珠璣鞭落
千峯萬峯石老農稚豎各鼠竄棄犢犁鋤幾顛蹶亦有鳴機
坐深閣飛步庭除攬西磧報言一縷磔之而擲電矦矦斷虹
激只覺驚沙劈面來曠六月搏大鵬翼須臾屋動河倒流白
雨點如鼓桴擊嘯秋何處恣奔潮吼地居然曳飛帛是時余
方掩扉坐紋甃端溪水皆立兔管鬚張寸寸毫發爐烟皺絲
絲碧開門激箭射疎櫺玉帶盤空瀑迴雪

趙仍屋

字紹厚一字石林東陽監生音風術軒集

兩折贈軒錄卷三十八

趙仍屋周昌彝題

晚泊蠶江

舊時越溪女他日吳宮娃吳宮老麋鹿溪猶名浣紗溪頭傍
晚衝風起罨岸洪濤吼船底越溪有女吳無人伍子胥沈屬
鏤死

吳

寬

字倫敘東陽貢生

西湖絕句

螺浮一點曉山孤樓閣玲瓏倚畫圖但得人如蘇玉局北徐
州亦有西湖

余

嵩

字正中號南村龍游貢生

山月

月出何皎皎流光遍寰宇居人見月歡離人見月苦景同情
何殊問月月無語人事有不齊哀樂隨所處惟有深山中風

俗如太古爲農無別離入息向場圃團坐家人依依聚
儔閑閑課桑麻欸欸話晴雨邨謳乏絲竹倡予而和汝始知
月無私閒者傾爲主

林峯奇

字毓常龍泉貢生
著求志軒詩鈔

毒魚歌

秋水向涸欲斷流村民宵渡溪南洲辣茶細擣賣百斛傾攪
淺瀨魚兒愁毒沫遠泛水盡黑欲從湖海其何由小魚偶中
死鼓迅大魚困伏俄亦浮是時燈火夾岸起長叉大網紛相
投巧者貪多會近渚設筍却向梁間收鮎魴鯉鯉豈暇擇所
得真覺如山邱天明星稀人漸散家家鮪鮓盈盤甌我聞取
物忌太盡竭澤恐召蛟龍讐三歎隣饋不忍食缺鮮吾自垂
竿求

陳華祖

原名文祖字星泉號艇湖縣技貢生乾隆丁丑南巡召試欽賜舉人授內閣中書

金谷園

綠珠樓畔水成紋荒草迷離帶夕曛小隊鵝黃雙鳳子見人

猶舞鬱金裙

徐時泉

字右川東陽人乾隆丙子舉人官慶元教諭

戴瑤曰右川在東陽自北魏羣之鶴先君一見其文決為不出三科必售人更短之至丙子果捷及至京東修自愛諸生羣以文來質戶屢恒滿哭先君至失聲除廣文未幾下世才人無命傷已

甌山登高下遊白雲洞還至昭德寺

山城新雨後秋色滿巖谷振衣出西郊塞翠撲人目甌山已在望蠟屐向山麓逶迤繞林莽紆折類轉軸捫蘿冒奇險徑滑濺飛瀑行行得平曠松石益蒼肅周覽百里外衆壑各踞伏我我仙華峯蓮房向空矗盈盈畫溪水匹練界平陸城小

如彈九邨落湊若幅休文昔守此杖策叩幽獨寒雲間石起
沈休文登遺韻尙堪讀恨無買山錢避俗得小築俯尋洞壑
瓶山句幽白雲護林木石乳滴清甘仙槩逗芳馥一渠滌細流無心
與波逐澗迴出谷口信步免局縮林表挿浮圖繚垣隱修竹
山根暮煙起紫翠籠佛屋斜陽在雁背言歸莫辭速會須傾
斗酒無負東籬菊

徐肇基

字次木號蓀園又號香厓仁和人乾隆
庚辰進士官寧州知州著香厓遺草

湯禮祥曰先生早歲失估讀書蕭寺既成進士依然寒
素也官江右十餘年所至有循聲歸田後肆力於詩爲

同輩所
推服

初秋

雲物迴悠悠明星大火流晚蟬猶帶暑老樹不驚秋小院
書靜疎窗枕簟幽吟詩不成寐涼月下簾鉤

九日

池館淒清倚碧紗
深秋木落雁飛斜
殊方節物非吾土
倦客登臨苦憶家
十載萍踪違白閣
一年心事負黃花
多情且醉茱萸酒
莫遣蕭騷鬢有華

包祖賢

字景茂號介軒鄞人乾隆癸未進士官建水知縣改處州教授著介軒集

戴璐曰介軒與余同出秦西環師門貌古質怒作率年已遲暮改教未久而歿

大理石

滇池西路合諸蠻
大理高峯積雪間
疊障層巒屏上看
臥遊也識點蒼山

送同年申士秀宰名山

海岱知名士
鼙鼓作客身
山川詩料古
猿鳥客愁新
秋老金牛路
鄉遙雪鬢人
天涯同薄宦
爲爾一沾巾

胡奕勳

字力室號鶴巢平湖人乾隆乙酉舉人著勳思堂集

中秋後八日駕湖返棹同姪漢劉遊沈氏環碧園

偶泛駕湖棹言尋環碧園溪橋連野色苔徑接花村秋氣疎
梧葉涼風透竹根東陽小隱處詩思滿柴門

何處秋聲早芭蕉戰晚風空庭延落照荒徑走霜蓬古樹蒼
烟直平橋曲水通憑闌聊徙倚待月上簾櫳

陳兆鏗

字又篋一字坦泉永康人乾隆庚寅舉人官武康教諭

舟行遇風

巖雲寒不開朔風吼空谷兩崖相經亘回旋勢彌蓄岸圻兀
松根下見茯苓伏石裂錯似鋒崖砢大於屋洪濤怒春天危
罕忽撐目舟掀水鐵立篙師頸皆縮少焉風澹沲波搖樹枝
曲山鳥時一鳴皓月帖高木闌闌造化機孰與推剝復雖冒

險垂堂心目快一廓脫跡不足喜壯觀安可續還當迅乘槎
滄海濯我足

來起峻

字魯登號江皋蕭山人乾隆壬辰進士

孫度曰江皋分部後以父母為老引疾歸授徒為養相繼丁內外憂會邑紳經理曲江塘水利勞勩得疾蓋所謂以死勤事者

贈汪煥曾

師祖

吟鞭幾其

帝城春枰蝨談驚座上賓諸葛君真名下士歐陽子有太夫
人才寧論斗從時借交獨忘形許我親三徑可能迂客棹湘
湖久已熟秋尊

許奎

字掌文號西鶴海寧人乾隆丙午舉人

題周松鶴著書齋圖

淹通曾號陸公厨賴此移情合寫圖古屋秋深黃葉下名香
日晚繁烟紆半甌江革分來慣殘錦邱遲乞得無却怪左家
溷廁畔十年艱苦著三都

陳

塤

字春酒號閭菴餘姚人乾隆甲辰進士

甲辰孟夏送程魚門夫子南還

廿年戟筆住西京藝苑爭傳正始聲一代龍門尊令範千秋
彤管定公評歐陽自著歸田錄白傅新添入社名檢點輕裝
無長物猶餘滿袖篆烟清

許申瓌

字淇園號竹濤海寧人乾隆戊申舉人

桐江道中

一入桐廬境琳琅石有聲水清真見底山好不知名暖日晴
江飈春風客棹輕弗愁灘阻淺挂席每兼程

自常山至玉山途次口占

舟行連日厭通津一輛籃輿穩寄身江水盡頭初得路詩情
濃處正逢春山田放犢催耕早茅舍盤蜎問俗貧倦眼莫愁
花隔霧喜沾微雨洗輕塵

初抵羊城旅寓

關山迢遞入蠻鄉客味舟車兩月嘗檢點遊裘輕似葉安排
旅舍小於航林鳩喚雨枕椰樹野蔓垂烟牡蠣牆閣遍門前
冠蓋化浮生容得幾時狂

謝謙字又謙號菊

張替年曰吾師菊成先生為人謙讓和平落落無所遇
著一客浦城而歸佳嗜山水遇勝處輒有吟咏隨手散
葉無集本清手檢篋中斯藏遺

稿錄為一秋題曰菊城遺詩
十一月二十日偶吟

高山一曲少知音空向窗前惜寸陰老去菜根翻有味貧來
米價最關心歲華倏指春將轉梅萼含苞雪未侵一滯江邨
經八載幾回孤寂自沈吟

荅梁對揚送行原韻

終歲奔馳暫息身來朝仍作別離人青衫未溼琵琶淚白雪
先歌楊柳春聚首樂惟緣道合出門夢亦念家貧年年行住
年年我日月雙催老子真

孫元灝

字鎮西號澄齋錢塘貢生官
江山訓導著虛白齋詩稿

朱彭曰澄齋敦古誼崇實學事繼母以孝聞而襟抱灑
落有出塵之想曾章李鶴峯先生視學江左延請分校
常誦其泉流曲澗樹根出
雲氣亂從山峽生之句

桐廬

江雲江樹攪離情獨倚蓬窗望古城鷺立石磯沙岸轉牛眠

兩浙輶軒錄

卷三十八

謝謙孫元灝

芳草夕陽明從來百計惟閒好自昔多愁作客生夜半欲眠眠不得曉來聽遍畫眉聲

題春山獨步圖

山外人家別有村小橋流水綠當門年年不識春消息但看溪頭舊水痕

邵胡然

字雪崖錢塘諸生

朱彭曰雪崖以姪樹本貴贈如其官生平吟草爲人攫去今從所見殘本還存數首

烏石峯訪恬庵上人

爲訪蓮公去攀蘿到上頭日圓松影午風細竹聲秋小閣當山湧寒泉迸石流僧厨剛飯罷鐘磬出林幽

何宗顥

字希程貴州生

春日友人招飲湖中

嬾逐東風紫陌塵輕撓短棹泛湖濤柳絲新舞不著水桃夢
半舒已可人巧舌栗留頻似喚忘機沙鳥亦相親且攜金襖
花前醉莫向漁舟更問津

秋日湖上晚歸

十里金湖展畫屏輕撓過處幾回停菱花風靜秋逾碧螺髻
烟濃晚更清天半晴霞籠遠樹堤邊飛鷺落遙汀歸來漫倚
舷爲枕臥看斜陽半欲暝

孫

鍵

字佩周一字苜
田錢塘人諸弟

童園看桃花

小擬桃源又一天萬株紫繞接山巔人從紅錦園中佳花向
青螺髻上旋香粉淡飄風片細冶容斜襯日光妍徘徊不計
歸途暮再看芳叢月上弦

秋日同人坐雨花臺

經年行役苦相催江北江南去復回春日纔探香雪海秋風
又上雨花臺烟橫落照連雲沒潮捲崩沙拍岸來且自隨時
增逸興感今弔古不須哀

周宗杰

字起凡號淡人錢塘諸生著虞亭居詩稿

戴股海口君爲迴川先生季子侍父官署暇輒吟咏足跡半天下近則燕楚西江遠則滇黔巴蜀所至皆有詩
懷沈虹舟夫子祖惠

拜送江臯又幾年先生音問竟茫然如今直道難諧俗從古
儒生似謫仙但使有棠能傲野何妨求艾賦歸田我思鼓櫓
吳江去更坐春風授一編

汪步蟾

字汝懷號香齋又號炳菴仁和人乾嘉癸卯舉人

張椿年跋遺詩曰香齋舉於先君子追余似館其叔即堂家得頻見之矣卯鄉舉後都門抱病歸卒

米蟲歎

年豐寒士不知熟生金無術難生穀況復農家正歉收安有
升斗備儲蓄朝來負得一囊歸蓋藏已快倉箱足淋漓悔雨
潮且蒸玉粒蟲生咬如玉蠕蠕動若新生蠶令我對此愁餽
粥開困恍如飯傷熱浮浮之氣欲滿屋玲瓏嵌空瓔珞垂消
磨未肯饜半粟既愁點鼠傾瓶罌又兼租稅苦催促此蟲蠶
食更無已勢如敗蟄形屈曲緋桃絳李亦生蠹符傳啄木能
驅毒鷓鴣尾上無從收胡麻仙境隔凡俗自宜揚鞭勤爬羅
未可生憎徒側目宛從牙籤搜脉望卷帙完好始堪讀又若
頑几浮埃塵屢掃無嫌帚頻禿顆粒剝蝕不礙飽世閒尙有
窮途哭惟願大年多樂歲狼戾豐盈任爾宿

倪維鏞

字太洪仁
和監生

兩所惜汗餘

卷三十八

周宗泰

汪步蟾

倪維鏞

手

晚渡

小艇橫流畫檣雙浪花飛漲入蓬窗一灣新月穿雲出照見

離人渡越江

吳燮元

子月舟仁
和諸生

朱文藻曰月舟祖父俱早世刻即苦志力學爲名諸生
與吾友識古緣交最厚古緣每爲予稱道之其集中唱
和詩極多今檢月舟遺稿無一
詩及古緣者蓋散佚者多矣

閒居

苦棟花開燕筍肥浴蠶天氣雨霏微溪頭一望綠陰滿無數

鷗鷺相對飛

竹

種得淇園竹數莖蕭蕭疎影半窗櫺夜來更與西風約併作

秋聲枕上聽

汪繩祖

字亢宗號秋御錢塘
增生著松石園吟稿

送宋筠洲上舍之粵東

懷人江上西風起君趁西風作短游天下鍾情正我輩數聲
柔櫓幾回頭

讀史

建康城外逐游畋寢廟灰餘竟未還頓擬阿房數十處不知
秦苑草芊芊

枉殺江州戰伐休令人唱徹白浮鳩空勞飲馬長江志一片
軍聲逼石頭

御客承恩夾坐時君臣競賦五言詩請看戰艦橫江渡一曲
清歌桃葉辭

多情到死總無涯井底相攜張麗華不信後來隋苑夢猶憐

玉樹後庭花

山陰劉方振年八十四縣試第二入泮爲邑侯金嘯竹

作

大器晚就世所寶唐睢華顛梁顛老山陰劉叟忠介後文章
餘事鬱懷抱方今雲漢

天爲章作人雅化况壽考曩余季父視學八閩時三千人中

獲有道

荀校叔父歲試莆田縣童生拔郭鍾岳入泮時年九十一歲恭遇南巡賜甲科授司業今年一百有六

入千同爲耄耄少七齡橋門杖晚頭俱皓郭公老福未可量

恩榮千叟邦家光賢宰好士兼好老文孫一脈傳書香二老

佳話一朝合盛事更喜留吾鄉

題友人聽秋圖

月窟寓於絳樹庭桂叢誰占一枝簪年來我是陽秋客每遇

秋風最怕聽

倪印元

字首善號小迂仁和諸生有蕭閒館集

朱彭曰小迂資稟穎悟少時其父執館于外母蘇親課于偶作頌語極爲前輩所傾倒董浦先生題香巖課讀圖有云所祝保夫人求老更留餘力教東坡是也後從翟瞻江教授游造詣益進惜爲貧所累未竟其志以卒

過南屏觀司馬溫公家人卦摩崖

天風吹我南山陲扶藜上讀摩崖碑偉哉涑水氣磅礴絕大

手腕盤蛟螭擘窠卦字寫徑尺中庸樂記同昭垂卦後摩崖中

百九十三行體瘦硬詞嚴義正傳來茲思陵嗜古重聖

學豐寶快獲前朝遺琳琅五卷篋中祕愛敬直并箴銘披誰

與大官測上意一時鑿鑿畱嶽巖左傳別刊赤山岸隸法入

漢同于斯太子灣有摩崖左傳晏子曰君令而堅蒼斑駁見

古色摩挲再四開心脾乃知大臣重感格豈在進說繁其辭

惟茲所重有深意他人我意誰能知周郎密煥郎太寡識小

長廬叟先我咄謂竹垞先生軒頡字畫久漫漶後世訓詁疑相欺

卽今斯邈亦變改空煩學士心神疲公之元氣照幽篁直與

梧溪相攀追況當野狐誤國計坡公嘗目介甫爲野狐精本撥害將波其

枝春秋學宮屏不錄今人妄以古禮治舊章變亂熾新學利

未及民患中之臣仁寸疏伏絳闕臣軾萬言陳丹墀安知反

身事修齊公已然相爲扶持區區公法小技耳世奚但賞書

淋漓我今來此坐臥久低徊想見公英姿獨恨蘇王不在世

才薄彈壓無雄詞急爲拓本挂齋壁遺愛足比甘棠詩

夜宿滿園

理安歸去躡晴沙屐轉南屏仄徑斜山雨忽來風又急跳珠

亂響白荷花

臨湖百尺有高臺雲水模糊墨四堆隱約沿堤明一點始知
漁火柳陰來

偶閱厲丈層雲見贈樊榭山房遺書檢得羅浮竹葉符

四片蓋昔顧月田先生所貽也胡三竹見而愛之分
二以贈并系以詩即用月田先生韻

天使求神仙海上極深窈鞭驅浮山來傳羅合雙嶠平生志

邱壑遠未拾瑤草何能逍遙游追逐月田老齋心訪仙壇披

霧拜羽葆高尙去不歸琅玕綠長繞葉生雙鬢峯有石壺高百尺爲劉高尙真人修

煉葉葉留飛符意致超物表彩毫揮淋漓元籙索幽渺深若

寒蟲蝓曲如篆烟裊摘來將素心登受惠匪小何緣繙遺書

得四并完好青文百屈盤蠹魚疑新齧我讀樊榭詩默証出

心巧始知此數翻袖納煙霞飽三竹叩柴門點檢度清曉言

告辟不祥珍重來遠道轉為朋友貽永宜于孫寶更期杖交

拄飛蹻神仙躋魑魍形俱藏虎豹尾敢掉何須佩明鏡道書云凡

人名山必佩明五嶽恣幽討即登雙髻峯已不虛露卯小窮

沙飭靈沙飭竹短而勁可為飭采須輕步否則縮入沙中矣大鄙龍公矯永泰中羅陽

出即龍公蕉者流也清風乞此君塵俗頓却掃

陳 沆字湛斯號澄齋海寧監生著稻齋初集二集

俞贊華曰陳沆研求經史工詩善八分書

望茅山歌

寫廬曉坼寒雲封馬蹄得得來句容眼前突兀見翠嶺巨廬

削出三茅峯我問茲山有五穴七塗九原相交通形勢曲折

如或已亦名已山金陵地肺真壘瓏洞天第八福地一茅君於此

留仙蹤大茅遊行曾駕鶴二茅兄弟皆驂龍繡衣亭上風月

淨羣真縹緲時相逢磐石千年鎮洞鼎谷水泱泱丹砂紅獨
颺飛輪發東海更有轍迹傳青童華陽隱士挂冠至邱壑一
洗琳瑯胸何當靈符佩五嶽芒鞋踏遍青芙蓉三日征途滯
不得塵埃人事徒匆匆

曹有光

字迪前號蓮浦海寧
諸生著蓮浦詩鈔

俞寶華口述浦五言最多佳句如霞天數點鳥風柳一
枝蟬曉寒清似水春夢淡於雲落日沈峯影高雲警雁
聲水明初遇雨山遠欲
生烟皆可入摘句圖

臨平山晚步

藤蘿竊窈入山溪興往孤筇手自攜松冷衣痕沾綠粉石危
屐齒印黃泥野麋踏葉忽雙出幽鳥隔烟時一啼嶺上雲深
迷去住數峯暝色夕陽西

懷鄴禮門

愛爾頻年閉戶居何妨磊落注蟲魚夢回夜雨孤燈後人憶
春風二月初方外尋詩新結社花邊載麴舊停車一瓶好近
春明宅擬借牀頭善本書

楊煥綸

字師典號竹
巖海寧諸生

棲霞洞歌

我慕鄭冠卿澹然寡世營飲得仙人涓滴酒退去馮乘求長
生日華月華今何處山中定有箜篌聲搗來古洞探遺蹟扶
筇何處捫天根洞口模糊不可視攜行全賴狂道士燈燈相
續成連珠絕勝燃犀照江水四圍突立皆山精千丈倒垂盡
石髓長者玉柱短瑤簪自下而上相依倚或如巖乘之翠鸞
或如琴溪之赤鯉鳥從安樂羣飛來象自摩耶忽駐此其餘
鍾乳凝靈根忍草曇花黯紅紫桂華詩集孰流傳錦野東西

却已似仙鼠如鴉耳畔翻黑淵錚錚響杖底以火索照火氣
青白盡渾如遊夢裏乃真地獄變相圖作畫應須吳道子璿
臺瓊室高幃幙中有一道風關通行盡未盡三里許況逢曉
色穿房櫳入洞頗爲洞所駭出洞依然心眼空冷水巖前一
曉眺鷄鳴犬吠山村中桃源之說殆如是休使嗤笑來韓公

許

琳

字際唐號笠吟海寧監生著笠吟詩鈔

俞寶華曰許琳少耽吟咏同邑鍾大令鳳翔愛其才以女妻之中年多病杜門賦詩不輟所著笠吟詩鈔勢汪毀撰如洋爲作序

病中寫悶

無端嘔血細于絲倦擁青綾強自持鄰比寄言須用藥山妻
苦勸莫吟詩豈真病骨因詩瘦未必愁心可藥醫我是死生
早勘達只憂傳與老親知

兩浙輶軒錄

卷三十八

楊煥綸許琳

美

祝

宣

字在隣號願亭海寧貢生官寧國府同知

陳焯曰願亭居鄉以孝友稱在官二十三載累擢大郡多著異績

山郭

山郭真成汗漫游登臨每怯仲宣樓
千山落日收殘堞百里荒烟屬斷郵
碣石談空無右席山陰興盡有迴舟
江關遙隔河東郡西望寒雲感暮秋

老友時宦山右

齋中紅梅經冬未吐萼詩以催之

凌厲冰霜色似縞幾度巡檐愁絕倒
主人愛花花無言催花恐被花枝惱
憶昔江南逢驛使百花頭上開最早
雲階月地見冰姿縱令無花影亦好
我無艷曲助君妍落葉莓苔躬酒掃
卽今世眼競妍華紅腮莫使臙脂老

張廷琮

字蘭九號前山海寧恩貢生著靜遠齋詩稿六卷廣獻徵錄八卷

郡中歸舟

落鴻聲裏客揚舲船尾吳山依舊青水驛空濛秋色晚一蓬
涼雨過臯亭

豆腐

傳得淮王術取神礪牀礪處粉光勻數家小市無兼味十載
寒窗有故人蜀鼓融香宜醉齒吳鹽散雪合霑唇醅錢偶赴
隣翁釣飽噉居然勝八珍

畫粥圓頭歲月過一瓢相屬有深緣割來雲母流脂滑點就
瓊酥下飭鮮茅店曉光聞櫟金僧樓夜雨記開筵絕憐風味
三春好醵爾同參玉版禪

己酉中秋關中望月

三條燭下漏聲傳涼露灑灑散碧天自倚粉垣看月色此中

已見十回圖

張景筠

字繼才號梅屋海寧諸生著梅屋詩鈔一卷又補元史藝文志八卷

周春曰張景筠為待軒先生七世孫力學能詩文補元史藝文志為虛抱經先生所採年三十五早卒一時痛惜之

俞思謙詩序畧曰張梅屋之時僅數十首清新俊逸正不必以多為貴也嘗做樊榭宋詩紀事為元詩紀事未成而卒

壬寅除夕二首

霜濃風細喜晴新
爆竹聲來到耳頻
自笑病中求利市
漫隨俗例守庚申
杯浮竹葉看分歲
蠟結燈花話好春
分付兒童祝如願
願儂強健藥離身

篆久濃香散硯邊
起看星斗欲橫天
喜逢扁鵲添今夕
笑隔春風又一年
盡典敝裘供藥債
強扶病骨祭詩篇
明朝賀歲

休投刺報道維摩尙穩眠

章志伸

字在久號六圃
新城歲貢生

題手鈔書籍後

家貧未辦買書錢時向他人丐一編筠管屢經理老禿藤牀
不覺坐頻穿已拋此日功名想再結來生智慧緣畱與兒曹
能讀否惜陰聊以盡餘年

卜兆熊

字周望號藕村秀
水人著藕村詩鈔

春暮雨窗獨坐

苔綠苔痕滿牆陰剩小紅草含三逕雨燕翦一溪風欹枕餘
香暖鈎簾宿霧空殘虹亘花塢曉霽報奚童

南邨

考槃擬賦碩人邁一榻煙霞足嘯歌茅屋低穿明月冷竹籬

兩浙輶軒錄

卷三十八

三

缺補亂雲多劇憐詩酒人何在最愛鳬鷗日自過寥落故園
三逕在雨餘獨樹挂藤蘿

錢應梅

號玉崖生秀水人
著玉崖生詩集

屠本仁曰玉崖生隱于屠沽嗜吟咏人與之論詩輒
問難談竟日不倦晚年賣卜于七星橋年七十餘卒

曉發京口

一帆飛渡水天寬吳楚平分壯大觀
瓜步籠烟芳樹曉海門浴日怒濤丹
雲開古寺金山出江繞孤城鎮襄寒
終古可憐天塹險六朝回首事漫漫

王堂

號賓香平湖諸
生著海粟集

春分後三日病中枕上作

春色銷磨藥裏中重衾高擁掩房櫳
身如化蝶初依艸心似游絲細裊風
垂柳定知千縷碧小桃曾放一枝紅
流鶯語燕

都無賴總把春情惱病翁

顧其銘

字禮修號隱莊平湖諸生著小讀書堆桑榆雜興詩

爲未婚守節者作

子糾未爲君管仲未爲臣未婚不成婦守節殊無因比來立
異者抱主而成姻周公無此禮徒害之子身所以歸太僕論
之極諄諄大以爲非是明白示後人鴛湖朱太史竹垞原貞說
亦真既葬而後嫁其說尤斷斷嫁殤媒氏禁垂訓至今新禮
本近人情非禮何必循

葉

莊

字守箴平湖人著竹莊詩鈔

紅白花

紅白花羅幕遮陌上桑蠶箔荒種桑食糜粥種花厭梁肉

踏車歌

陰陰夏木鳥不語踏車聲裏苗尺許湖濬賸有墩畝田敢道
辛勤避炎暑東鄰呼盧西鄰舞紅藕花前搖白羽

楊

祐字天吉一字孝通平
湖人著樂漁小草

題戴山人畫

秋色壓重巒疎林漏斜日山深路鬱紆逕斷一溪隔廻峯鎖
亂雲飛泉激危石茅屋兩三楹應有幽人跡日暮未歸來天
風吹落葉

題龍門廖樸溪蕉竹山房詩冊

遶屋溪山畫不如王賓園

地畔

幽居一窗綠影衡門靜蕉

竹叢中獨著書

閑說羅浮是比鄰飛雲絕頂往來頻他年弔古羊城畔四百
峯前有主人

范

封字雙湖仁和人
乾隆己亥舉人

對雪寄遠上人

淹滯違朋好感茲禪侶深天連平野暗雪帶晚鐘沈凍浦膠
枯葦寒雲結暝陰蒼茫望何處愁絕故園心

項本立

字根堂號蓮艇賤唐人
豐子乾隆丙午舉人

月夜懷陳補舫

登樓懷庾信朝夕把新詩況對空山月能無永夜思寒更歎
枕後疎影照窗時不寐聽蛩語長吟寄所知

陳文鑑

字猷父號補渠初名文誠
修塘人乾隆丙午舉人

納涼

老樹擲炎日草堂多綠陰涼生添爽興語快見禪心
牽網簾疎蟬獨吟清風吹白紵拂拂北窗深

詞所曾耳錄卷二十八楊祐 范封項本立陳文鑑

三

村舍雜興二首

一棹過蕭寺重來憶舊游
藤梢穿壞壁竹篠擁危樓
雨過村春急涼深水稻秋細
思身世業吾亦樂耕疇
爲愛村墟好人家事事幽閒看
垂晚釣獨立數歸牛
落日烟中寺孤燈水上樓
老翁畱客宿煨芋佐新篘

酒旗

高楊當門入望餘
酤時新榨有梨花市頭掩映斜陽裏
檐角飄飄曲水涯
幾字大書憑客認
一竿春色趁晴義吟廬穩取
攜壺便底事流涎對翅車

張光滉

字履初號集堂海寧人
嘉論子乾隆壬子舉人

贈陳誰閣

開門隱几卽深山
湖海虛名付等閒
紅稻香吹田二頃
白蟬

書蛙屋三間兒原可警何妨癖詩總能傳不待期自歎年來
艱出處幾時載酒叩元關

祝 雯

海寧人杭州府學諸生充庠校錄

金闔舟次

小雨泠泠晚向晴扁舟初泊闔門城風圓五兩春痕闊煙鎖
寒山暮靄橫南浦離愁芳草遠東皇別恨落花輕吟成莫學
江郎賦只恐魂銷太瘦生

趙北口早發贈別

聯騎長安道登程逼五更障煙千樹暗破曉一星明思繞關
山夢交通傾蓋情明朝分手去應念此逢迎

祝

霞

海寧人杭州府學生

燕來筍

烏衣巷口燕初回
花徑泥香欲破苔
梁苑春濃三月雨
洪園社後一聲雷
誰抽紫玉華簪出
瞥見紅襟小妓來
長養試教留上番
更看么鳳舞瑤璚

納涼藏芸樓

夕陽過雨下山隈
高閣書窗六扇開
明月窺人當戶入
好風如客送涼來
千枝搖曳溪邊竹
一笛悠揚隴上梅
清景南樓思髮鬢
新詩合倩庾公裁

汪夢心

一名廷恩字說敗號仲房錢唐諸生著律備書堂詩鈔

李方湛曰仲房幼孤祖母及母撫之
辛勤讀書甫成立遽卒年僅二十四
陳鴻壽曰仲房少孤力學工隸書能詩
文卒年僅二十四廣志以沒士林惜之

憶梅

白雲滿孤渚斜日明林端
偶就池上酌却憶梅花寒何處結

清夢維君成古歡西谿三十里香雪已漫漫

秋夜懷倪米樓

稻孫

涼月忽在地始知秋意深娟娟一片影照我坐彈琴高樹有
寒色飛鴻無定音因之憶吟侶乘興或招尋

北郭

夙契清靜理偶與城市違空庵夜來雨獨拚潭上扉寒天衆
流靜落木秋聲希萬類各有息益知勞者非

趙承旨雜花畫卷

花事繁華舊汴都風枝露葉已模糊王孫筆底春多少寫到
郊原麥秀無

懷從兄

震

燕山殘雪玉關霜十載游蹤總渺茫最恨春來渡江鴈北飛

兩浙輶軒錄

卷三十六

江蘇志

三

翻說是還鄉

古意

冰絳織柔紈裁作合歡扇懷袖未承恩秋風向誰怨

懷從兄省堂震

小立平原算陟岡懷兄一日九迴腸春來贏得吟情健又寄

新詩託雁行

水仙花

美人清夢隔千里烟水愁余空所思今夜月明誰結佩蕭蕭

風露立多時

潘孝基

字超宗嘉興人著
詩香草堂詩集

訪白老村沈氏

試訪元虛子幽居白老村紅蕖香到岸綠樹影遮門散帙仙

芸亂臨池醉墨翻恰忌青眼在相對共吟尊

養蠶語

三朝開簷架頭齊滿箔聲驚驟雨迷討葉提筐忙不了人饑
堪忍怕蠶饑

謁范少伯祠

細雨春城欲濕衣緣溪步步屨叩扉雲深水殿東風悄路入
花宮仄迳微煙月五湖空空渺渺山百戰已非非當時文種
空遺恨應向君前掩面歸

袁

璉

字惕三嘉善諸生著兩行齋詩集

郭麐曰先生爲了凡之後遠有代緒少任恢蕩蓋不爵躬自困厲以貿易致富後更折節讀書教子弟且讀且買不令游手冒士人名詩多率意時見性靈

分湖捕蟹詞

扁舟過餅聲

韶渡雲山譜不成漁歌却比棹歌清老漁那識漫郎曲解說

琴聲是蟹行

吳應奎

字文伯號菊泉孝豐

定香亭筆談孝豐吳菊泉應奎余兩試其文均置高等不知其能詩試畢自呈其讀書樓初稿苦吟綺思絕似長吉樂府歌行尤佳始知錦囊佳句不受風簷迫促也設非吳生自呈其稿則吾失此人矣然則吾所未見之才亦多矣

為之撫然

陳鴻壽曰余於吳中春始識菊泉見其近作二卷多愁苦之音而古色古香體格不凡見其近作二卷多愁矣施孝廉應奎心作古歌行梓之凡千餘言哀婉欲絕會校刻輒軒錄恐其遺詩散失請於中丞師選存多篇菊泉地下有知其亦首肯否耶

古豔曲

銀鞍何處驟青驄長路迢迢夢未通
宮火單身難遠照繡絲
其命不同功山頭冉冉孤生竹阿谷
離離半死桐舊日棲鸞
知憶否可無方便託高風

種葛南山葛蘿延一枝瓊樹憶韶年
芳姿偷嫁猶應惜碧玉
初筭最可憐雨漿催來桃葉渡五
虛上木蘭船愁心試向
前溪望萼葉蒙籠洛水邊

難將華燭報秦嘉挈伴江干眺月華
神女無郎長水側使君
有婦自天涯危腸怕聽烏栖曲狹路
相逢白鼻騮謾詫兩鬟
千萬直不堪竝載六萌車

東西溝水郭門焦訣絕何曾斗酒邀
曲變惡聞丁督護花飛
錯怨董嬌嬈未應大婦專工織浪憶
中兒舊被貂若解近來
歡悅盡也須紈素寄三條

行樂朝朝別未諧
曾來女伴石城南
相貽飛鵲青銅鏡
齊整蓮花玳瑁簪
夜月緩歌皆白苧
東風芳草半紅藍
閉門寂處垂楊岸
只有清溪妹第三

後古豔曲

含情空對女兒箱
繡譜千番看夜長
更屑銀泥圖蛺蝶
重尋錦段刺鴛鴦
金刀牙尺傷羅薦
素手花牋怨筆牀
莫向人前傳粉本
輸他薄命住橫塘

邂逅垂楊繫紫騮
花當綺戶月當秋
胡姬上市從調笑
織女臨窗自苦愁
畫永罷舒金屈戌
宵寒獨倚銅箜篌
新裁孔雀羅裙在
斷帶無心結兩頭

西門行

出幽門悲且傷
有父不能非有母
白髮鬢鬢今縫裳
仰天天

無窮俯地地無垠悲哉白髮母生兒徒苦辛兒寒母寒兒飢
母飢兒生四十年乃復有別離桓山之烏尾畢逋啾啾唧唧
將彼雛雛成飛四方時還返哺此老烏奈何我人反不如吁
嗟嗟奈何我人竟不如

幽人

丹嶂橫楓林半壁白雲亘其上宅幽人綠崖斷梯磴時有鶴
飛來元猿睡初醒汲水去清溪冷然候疎磬

觀送葬者

死者恨不生生者悲欲死相送北原上涕泣不能已我爲送
者言順化固其理百年會有役旦夕俱往耳傷哉彼大塊以
我爲傀儡刻木傳以機一一盡由彼彼欲我也行牽機忽焉
走彼欲我也息釋機訕然止榮也襲冠裳賤也被藍縷當歌

軒厥層當舞踊厥趾睇也使凝眸笑也令啟齒一手相控提
毛髮難我詭還思我也生此中有我否何況彼也死而已返
厥始去去何所悲萬古如此矣

仲春偕從弟應蓮登西園廢基卽事感賦

園爲家參政龍別業

寢瘵情不怡旣瘳力仍慄朋歡鮮盍簪令弟快同調鄉園堪
遊覽暇日展幽眺振衣登崇岡躡足踐蓬藿陟險薄窵窳穿
林入窳窳搗來土囊口逶迤復奔峭連嶂疊巘嶠日色相照
耀白花曷陽林時禽喧晴隩薜屋無人聲窗戶半傾倒壞牆
欹不頽欲落藤纏繞楹間藉艸坐高矚增戀嫪平疇展青鏡
綠淨迹若埽羣山勢規匝林表出遐嶠櫛比居人煙清溪一
線綠感物無宿欣懷往獨憑弔余宗昔先達發迹明世廟解
褐遂登朝其氣甚雄鶩一朝譴謫去拂衣稱高蹈朱門正全

盛旋歸益排冢築宮茲山巔選徒日騰蹕冥思精靈聚縱鑿
大塊竅規模溪山秀面勢盡籠罩樓觀鬱聳飛升降窮殊妙
虛無列仙室窈窕神明突曼延緣岩阿屹的亘相照芳菲經
四時移根或殊微意且平泉陋端欲辟疆肖主人方盛年肆
志旣狂冒賓從紛衣冠獻酬工勸劬黃金可度世長生覓樞
要飄然雲水徒瓢笠填門造朱闌碧檐間青熒列丹竈松喬
旦暮來鸞鶴翩翩召五城十二樓放慈曳裾到里黨絕攀援
欲往脚不掉有如趙尉佗自娛竊帝號營營三十載金盡氣
亦耗神仙杳無聞鬼伯儼相招委化同艸莽枯株悵風標平
生所經營棄擲等餘燭間房鼠鼯鼯複室行熠燿轉徙屬他
人倏又夢同覺當時列階庭故物無一饒翠壁剝蒼苔壞道
積黃潦灌莽鳴鴉鵲崩穴狐狸叫却憶山中人孤冢棄荒磽

遺蜕竟何存落日縱寒燒山邱與華屋嗟哉兩難料仲月信
芳晨百昌晴欲笑攜手歸去來喟焉一長嘯

晚步溪上

招提鐘磬寂山月澹餘暉水木亂明瑟雲霞生客衣天風紆
竹簾空翠墮巖扉自覺機能息閒鷗近不飛

春日雜詩

句芒肅青駕玉衡正東指吹林緒風革照戶初陽綺候禽喧
悅豫時并交羣靡隰龍方曼延叩鷗旋萋菲載鳴鶴在原有
鷺雉求牡感物愴別襟念故獨曳履清川澹回薄沿流采芳
芷

夕遊暢芳煦宵衾夢雲冷向曉啟幽蓬素雪瑩春嶺霽旭麗
層霄朱霞綯朝景明玕朗相照浮翠天與永光風泛崇蘭日

華承露井時化理孰推紛慮務令屏

讀書樓贈妹

晦迹滯邱園福性寡齊契巖穴斷輪軌水木自清闊開軒面
南岑列岫澹相對昏旦寂無喧雲氣生衣袂勝賞誰與同慰
情惟令妹玉顏暢淑姿蘭心山明慧倚窗檢往冊散帙誦新
製罷沐每論詩輟經還問字惡聞世羊腸快比身蟬蛻卿其
左芬亞余慚太冲繼載咏岱清篇努力風不墜

於南山有事樵采觸境感賦

清川遶南岑芳樹綠圍渚晨策窮幽探觸境引思緒淵流既
汨汨露條亦惜澗度杠徑屢轉陟峴石還距泄泄雉投隴交
交黃止榻丹葩燦陰崖碧篠夾清淑壑雲崩若山竹翠墜疑
雨事昧理難辨情遙跡伊阻繫已殊石桑章宜含姑杞寄語

同懷人誅茅老岩宇

園中藝菊

落英餐騷人上藥飲仙客駐齡蕪自今消憂徵在昔被露當
春藝侵霜備秋摘旣規陳根拔還思新莖殖荷鋤浚清晨開
畦及咫尺土膏滋滲漉庶艸利攘剔影落長松翠氣亂芳椒
赤側佇商飈吹孤停東籬策煌煌昆靈芝奕奕徧寒域蓄此
終古情長懷君子德

柳絮詞

金蘭含風縐碧池煙痕露影不勝吹春前無限傷心樹脫有
新愁映鬢絲
離夢迢迢怨素居釵頭燭墜玉蟲初飛來水國蘼葭外試問
多情薛校書

與蔡香慧瑞榜

下菰城邊逢蔡子落日蕭蕭北風起臨風釀酒歌悲歌子淚
如珠我如水憶昔與子初結交吳舫亂泊當長橋少年意氣
其傾倒鴛鴦上拂天雲高子希賈董窮經術我舉揚馬談風
騷月明如雪酒樓上城頭更鼓頻三敲酒酣大叫呼六博估
舶驚起齊撐篙明朝放船道場去櫂櫓徧踏荒山豁關中布
衣喚不起一杯相酌澆蓬蒿狂言忽發駭四座俯視餘子誰
正豪當時自謂才可重咫尺青雲躡飛輕詎虞蹭蹬久泥塗
勞力鹽車竟無用容顏蕉萃暗塵土逆旅淒涼困嘲諷卽今
相見真途窮低頭塞默隨兒童聞呼趨走汗浹背欲語羞出
僂喉嚨席間蠅聲出蚓竅啾啾雜沸蚓與蛭黃霧漫天四邊
黑赤日不得開霾蒙衆中何處置子輩矧乃有意爭雌雄仇

寒逼人猛於虎九閭縱叩吁難通憂來無方心斷絕文章瑣
瑣無奇策君家先世勇成癖騎馬彎弓善馳突征蠻曾佩將
軍印萬櫓梯城雙臂格銅人奪得至今存夜夜紅光迸妖血
將門有將然不然立身胡爲耻行閒況今枯民方逆命
聖人宵旰勞憂煎功成或者在一戰長槍關劍寧非賢但當
投筆棄鄉井勿爲妻子生攀牽腰刀橐糲子適往我亦櫜鞬
行周旋

寄遠

芳艸復芳艸東風來遠道美人兮美人日暮空青春芳艸看
成血美人心斷絕遠道無歸期青春長別離寄君白玉燕釵
黃金環期君春至當歸還參星照戶桑葉白落花滿地無人
有玉階履迹閒不歸茸茸芳艸侵闌干藤蕪空憶山下路紫

駟嘶去秋風酸但使身上山頭化爲石安得此心如石頑

搖落

搖落驚秋盡蕭條畏朔風人家黃葉裏世事白頭中木落庭
隨窻波寒雁驚空阮生原善哭况乃是途窮

諸烈婦

諸烈婦乃在浮玉之下苕水之濱夫家業賣藥店培塿那得
松柏盤輪困烈婦嫁夫二三年夫病臥牀第日夜徒吟呻藥
餌不能效禱祠不能靈婦知夫病漸危殆不嘔不泣不含顰
繡羅被體光首飾自言不作一日未亡人其家聽之疑不解
羣怪烈婦懷異志一一生怒嗔烈婦若不覺但日侍夫側朝
夕同寢興一旦夫病屬纊氣將絕婦忽不見誰來詢詎意暗
中和藥自飲之逕來堂上拜阿姑謂言侍夫向黃泉姑聞尙

不信但見顏色慘慘奇可憐回身拜小郎他日娶姒生男當
爲兄祀延入房卽殞命阿夫聞之泫泫淚下目隨瞑生則同
衾死同穴兩棺合葬南山邊何當代石表其墓牛羊不收斧
不薪過客盡恭敬後世傳清芬浮玉長高高苔水長粼粼

烏夜啼

飛來屋上烏啞啞夜半啼主人憂愁不能寐披衣出戶忘東
西去年年荒食無穀今年年豐居無屋孤雌被病黃口飢白
頭灘涎血出漉血出漉尾畢連啼啞啞聲鳴鳴鳴鳴主人如
爾烏

白楊行

君不見蕭蕭白楊樹孤根下有千年墓當時松柏摧爲薪灌
莽荒榛竄狐兔黃昏月黑鵠鵲啼行人過此迷東西髑髏起

舞向人語燐火吹作紅燈飛

孤憤

我年四十一日夜膺憂患勞生徒營營溫飽兩失算無力廢
耕耘無貲罷商販曠懷慕管樂荒荒度昏旦分甘守黃蘗無
由望徵薦上有白頭母辛苦尸糞爨下有黃口兒讀書裁勝
案病妻與弱妹蕉萃髮蓬亂淒涼茅屋底心折骨欲斷天寒
歲將暮朔風冷刮面薇藿苦不充一室如磬懸布衣纏病骨
幅短僅至骭飢驅走路旁所向百悲惋軌轍殊東西炎涼等
冰炭叩門有所訴欲出哽在咽解意竟誰人語笑雜嘲訕歸
來燈燭張腸中車輪旋平生方寸心磊落晨星煥一介嚴取
與先賢有餘羨端可質鬼神不辭老貧賤胡爲昧初志汗出
身欲戰胸堂沃焦熱血淚迸若霰默坐南窗前載尋高士傳

出關旣傳梁涉海又聞管猪肝去安邑羊裘來澤畔林宗衣
不完孝然日一飯斯人於淪落世道多更變豈無經濟才失
勢不得見此事誰與論情難布親串天涯有知己闊絕皆異
縣願言從之遊動輒遭羈絆滅燭寢向牀哀鳴同鵲鳴明月
照我榻凜冽霜一片衾裯若潑水僵臥罷展轉伏枕耿耿不眠
惆悵至夜半萬籟寂無喧嘹唳聞過雁因思楚蜀間蠢茲有
苗叛盜賊乘間發騷然報警怨廟堂議征勦

天子勞宵旰遣車出陝洛伐叛赴襄漢道路苦奔馳經費勦
千萬太平久無事若曹胡構煽撲滅行有期成功賴組練念
彼荷戈士隆冬離鄉甸蕭條戎馬地風雪不遑宴況聞墟落
中生民坐逃竄老幼相攀牽骨肉多離散嗚呼溝中瘠痛哭
白日晏天眼何時開邊郵一朝奠憂愁來無方孤憤不能遣

別茗香

明月不可掇皓然天一涯我徂白雲裏日夕秋風時靜對欲
無語素心自有期青山獨歸臥歲晚長相思

遊子吟

遊子今日去高堂已隔年遊子憶高堂只在家門前高堂憶
遊子東西南北天寄聲遠遊子高堂行路難

陸祖授

字紹之杭郡庠生仁和
人著有眉洲山房詩稿

湯禮祥曰陸氏在國初爲浙西文獻之家麗京高士
昆季五人負海內重望皆以鳳名其集世所稱陸氏五
鳳是也紹之爲白鳳堂梯震先生元孫克承家學以樂
天守道自期詩學坡公兼有唐人風格年未四十而沒
同輩咸惜其
未竟所學

到家

到家翻似夢悲喜一時集乖隔無幾時顏色各已別稚子牽

衣前謂耶顏少黑歸來幸無恙空囊免交謫從來骨肉間樂
趣自天得宇宙本寥寥我寄一黍積何苦涉風波動以性命
易且理架上書縱橫亂鼠跡

炊菱操

援嗜菱母恒手炊以食之今母下世十
六載每覩是物悲從中來擬作炊菱操

大菱紅小菱綠菱角彎彎利如鋸刺我心今戟我肉薪不再
燃兮炊不熟滿天秋雨孤兒哭

御教場

古壘空山鳥雀喧蒼蒼雲木想旗門敲金角羽成灰劫春雨
年年繡鐵盆

舟中口號

未衰楊柳全無恨初上鱸魚正及時如此清秋好風景肯
應笑我歸遲

孫晉寧

字在鑑號半峯錢唐人乾隆戊申舉人

項塘曰半峯性惆儻好客幼受業於孫丈雙樹工詩古文爲前輩所許家有小園在紫陽山麓顏曰近雲山舍常邀董浦杭太史西林吳處士簡齋袁太史槐塘汪微君王古鐵魏柳洲嚴古綠鐵橋胡葑唐朱朗齋及塘修吟事於此其風雅殆不減玉山主人

初夏山居雜興

萬綠圍吾廬清和愛良日汲水澆晚花添芸理殘帙喧聞
燕歸谷響見樵入臨池帽久低步苔履微濕印景獨忻忻抱
冲長默默淡彼簪徽榮眷此魚鳥逸鬪酒招同懷會文成雅
集攀果徂園東斲筍越峯北候茗松風來橫琴山月出寄語
金閨人白雲殊未極

暮春吳山送元妙觀羽士黃含山

鶴赴上清宮

柳絲颺煙花颺風春光歷亂離心同含山朝來別我去行裝

欲助着癡空故人平生絕稀少日夕過子聆焦桐移牀坐待
松月白挾策行探山英紅孤鶴看雲意忽遠龍昂虎踞尋仙
館五年吟袂一朝分池上芭蕉空綠滿觀有芭蕉池餞別山
客仙畱詩處樓酒一卮春江千里渺相思他時跨杖歸來日更坐南窗話
子綦

題汪五丈槐塘沈嗜酒愛修竹圖

琅玕萬个搖清風髣髴招我淇園中幽人脫巾坐磐石似是
高賢龐德公誰謂空藏活國手不放玉尊瓊液酒閒看日月
雙跳丸笑置功名一芻狗紛紛餘子何足訾眼明親君松柏
姿蘭舟昨幸接談笑汪丈昨同
飲湖上載酒問字寧我遣燈前展圖
起遐慕想見涼堂隔深樹離騷讀罷聞秋聲童子開門不知
處

訪朱朗齋

文藻

郭西山樓寓館

浮生木旅寄何者真吾廬朱君賢主人許借山樓居竹几置
翰墨藤榻羅琴書開窗吸湖綠策杖舉園蔬飯飽日無事披
經注蟲魚我暇輒過訪曲磴盤紆徐談諧竟永日依依在樵
漁暮歸石林黑月照清江初古來巖樓子作計良不疎

冬至前二日杭堇浦太史

世駿

偕西林先生柳洲竹村

葑塘秋子集近雲山舍分得雲字

佳辰邇長至晴旭輝蒼旻西峯靄遐矚煙霧排朝氛虛齋鎮
寥寂欣過大雅羣二老松貌古四子蘭襟芬高風可灑落瑣
節辭殷勤揮塵縱談笑色變窗前雲縑幽襲元宥抗志探皇
墳導河始積石攻壘持孤軍題詩展長幅筆運成風斤天迹
跨汗漫華藻披縹紛耳久倦巴唱忽聽操南薰非惟可所可

寶緣閣未開尊酒池上設席與魚鳥分野庖鮮已擊家味枯
旋焚相畱戰白蟻寧誇醉紅裙重來約歲晚梅香漸氤氳

冬晚瑞石古洞同柳洲秋子遲葑塘不至

木落山空絕點埃石闌松檻共徘徊峯腰有逕閒雲出洞口
無人獨鳥來寒月半弓初挂樹春風一縷已驚梅吟筇何處
尋詩去不趁清尊破凍開

重過吳山西爽閣訪屠鍊師不值

幽人寄迹古松關造訪期消半日閒曳杖重尋黃葉逕推窗
空對夕陽山寒生竹翠梅香裏句得茶清篆冷間一曲水仙
曾洗耳成連不見悵虛還

臨春曲

風聲吹在芳樹林雨聲滴在愁人心眼看春去情難任春去

春來何草草送春幾回人已老誰見王喬長美好碧翁解事
喜殺儂今年三月閏忽逢可肯一日間金鍾

雨後過六一泉追懷柳洲

又憩坡仙舊竹林閒堦雨過石池深樹腰紅日漏斜影峯頂
翠煙凝宿陰遊地往來長換眼酒徒零落最關心青苔行跡
依依在不得同攜石上林

西湖打魚歌

涼波雨斷煙如織作陣魚舟弄秋色鳴榔蕩槳西泠西蓮花
菱葉相高低水迷網眼碎珠落連雲下罩青玻瓈噉噉潑潑
聲未絕有頌有莘力齊折何人得倚衆忽譁閃日金鱗如電
擊夕陽舟散浪紋平紛向樹陰濃處歇平生最慕天隨子蓑
笠簑簑老煙水每觀魚具十五篇半世深慙昧生理湖頭桂

發秋正中買魚沽酒招吟翁他年會製總宜舫自把綸竿插
短篷

俞邦成

餘杭諸生

桐月

桐如圭樣月如鉤金井斜穿玉兔投我自有懷依朗照碧陰
移近鳳凰樓

陳光典

字大麓仁和人郡諸生著綠莊草堂詩鈔

登滕王閣

低首蓬窗損舊顏今朝差喜泊江關天炎夏末秋初候地占
吳頭楚尾間詞客有心超北海病夫無力賦西山全拋結習
登臨感避暑惟投半日閒

登鳳皇山

蝸廬小結鳳山側鳳山與我曾相識相識朝朝暮暮情晴陰
變幻煙嵐色閒來振策登山頂謾謾松濤風力緊芙蓉閣上
豁雙眸指點湖山真畫境湖山盤繞江城雄粉堞紅樓杏靄
中花場酒國知無限絲管清聲嫋半空回看一片蒼煙暮人
家遠樹斜陽路小窗幾面向山開倏忽雲生不知處

冬日野望

寒威催木葉小立眺平原疎樹落松子空田長稻孫樵人歌
出谷野老話當門笑指楓林外斜陽賣酒村

姚惇德

字月樵仁和諸生著癡存集

雪中過伊人梅下

寂寞經春信空堂索笑稀一開花下逕頻扣竹邊扉疎影凝
烟瘦幽香逗雪肥何郎詩興動相對欲忘歸

葛懋勲

號梅溪
海寧人

清閨曲

良宵不能寐
燒燭照空房
燭淚成灰盡
方知妾淚長

初夏

初夏江鄉暑尚輕
棟花風裏縑絲聲
殘英落徑香猶在
短竹穿籬陰未成
水漲最宜歸鷺宿
草深何處亂蛙鳴
日長睡起渾無事
坐對村醪不厭傾

自題花溪讀書圖

緣堤開小徑
傍竹結幽軒
山色當窗落
泉聲隔院喧
春風斜燕影
暮雨長苔痕
終日攤書坐
何人與討論

方廷璵

字留璠
石門人

方廷璵

別曰禹門
弟少有逸才
九歲入塾
師命詠夏柳
卽呈五律
二十韻
中有雪黏公子袖
花撲美人簪
迎涼雙

燕語遊居一蟬吟酒南懸渺渺漁絲繁沈沈數聯長老
見之皆以爲吾家千里駒也稍長益肆力於詩往往有
擺脫唐宋獨闢町畦之語人益愛
重之患瘵疾卒年纔二十有二

題松泉圖

杏潭居士精神瘦畫山畫水都清秀偶寫寒泉與古松墨光
筆氣昏晴畫泉聲老蛟吟松聲老龍吼泉聲松聲腕底來長
空風雨蛟龍鬬我欲堂前洗耳聽始知造化先生手

南湖春泛

好風吹入水雲鄉烟雨樓西半夕陽啼鳥一聲春欲晚落花
飛滿短篷香

贈楊南澗

滿壑松陰滿澗苔茶烟淨處薜蘿開柴門剝啄無塵事總爲
催詩索畫來

祝德星

字含馨仁和人庚子

陳鴻壽曰余中表弟祝含馨性穎悟讀書數十行
下而發憤攻苦至廢寢饋年纔逾冠致瘵疾卒

秧馬歌次坡公原韻

野水茫茫風淒淒野烟一碧春秧齊老農偃偻行淤泥手插
青苗經青畦朝朝力作候村雞首垂腰折聲悲嘶武昌有器
堪挈提髻髻走馬坐恰低騎遊阡陌渾角圭暫駐淺艸沒輕
蹄兩髀雀躍如浮鷺重重東棄任爾齎了無金玉爲雕題是
來南畝非來西不驚城樓動鼓鼙何用投錢飲清溪歸來獨
夜壁上栖寧事宵征從客啼手足胼胝面目黧幸藉汝力弗
顛隳少年出獵迷春閨驕行隴畔傲牛犁我亦何嘗無駛騏

題趙子昂水村圖卷

百年絹素看猶濕點染江鄉野興繁蘆蕩風光溪上路空濛

山色雨中村陰交桑柘黃鸝語漲入陂塘白鷺翻誰繼桐川
畱勝蹟鷗波亭裏趙王孫

冬夜書齋卽事擬庾子山

元堂居帝極絳帳立儒宗漏警宵光冷書經夜景慵列星正
東壁吹律中黃鐘絢索隣機織砧和野碓春風霜更八節文
史足三冬冰耀鼎簾薄雲開玉檢封照藜文炳蔚映雪字玲
瓏筆格鉢聲動窗虛燭暈重赤文將命號丹篆欲捫霄虹藏
黃玉見蜃化白魚逢六丁傳聖美二酉折愚衷紅錦仙人夢
青瑣造化工攤書披朗月吟韻度飛鴻願以校蚪蚪用質古
雲龍

徐紹鈞

字棠如號春
岩錢唐諸生

集溪廬書齋

明月在高樹流輝入草堂竹聲空院靜秋色晚雲涼詞賦追
文譙琴樽伴客牀城東舊游地三徑未全荒

李月岩過訪

草堂正高臥有客問幽棲掃徑古苔滑開門春鳥啼寒暄初
易候風雨久分攜歸路蒼茫外斜陽深巷西

同溪庫湖上

山山晴翠薄落日淡湖波竹氣清殘暑秋容上敗荷雨餘新
漲闊天盡暮雲多寂寞南屏下西風起棹歌

陳傳德

字慎初海寧人進士

讀荆軻傳

變徵聲淒楚酬恩意激昂未能全太子何事擊秦王易水秋
風冷燕山落日黃平生重知己多恐負田光

周利親

字叔孫號幼國海寧諸生

周春曰利親弱冠入州學以經解受知於學使南昌彭公丙午下第鬱鬱得心疾越數年天卒病中盡焚所作詩文無一存者僅搜得題畫詩二首圖為邑中陳氏所藏後歸徐氏今又轉售他處矣

題清明上河圖二首

張著題為張擇端圖成無復到臨安夢華追錄同千古留與人間一何看

妙繪難從東武尋流傳摹本重兼金誰知藝事存規諫下降

仙卿記姓林

相傳摹本互有詳畧以演丑驢雜劇者為佳譏靈素也

陳文枏

字維喬號香岫海寧諸生沈子著澄懷集

為李必齋先生題畫

一角滄洲勢三秋烟雨圖豪情空北海高枕夢南湖各以思鄉客從之問釣徒為君卜幽隱寫出小長蘆

張光復

字海周號綱堂海寧人官考
城知縣著奇菴詩鈔一卷

別沈南雷

世焯

棟花風急送征鈴同向黃塵數驛亭三月風光愁裏過十年
鄉夢客中醒埋頭鶴鶴愁烟雨整翼鸛鸛望杳冥此去京華
早延譽離情多繞遠山青

陳

浩

字志完號星衢海寧監生
論會孫著碧荷奉應編

海市歌呈太守筠圃叔

琰

我聞仙人洲在三山島上有凌虛臺閣之縹渺界以弱水烟
冥冥欲往從兮道路杳頃來謁叔東牟東恍然身住蓬萊宮
偶緣聽客說海市齊諧詭怪將毋同跡所未到聽已竦雲濤
撼崖色爲動願輟問象驅馮夷幻出瑤房開眼孔客云可遇
不可求貝闕匿采難容搜況今苦旱神龍偃孰排閭闔蒼霞

浮私心耿耿海若鑒津吏忽報層樓現急招賓客趨海隅爲
我驚喜誇創見初升雲氣光有無漸看歷歷如方壺得非中
有羣仙戲霓旌翠蓋爭紛敷翻疑昨夜夢如此神變揮霍誰
能擬一片端溪墨霧蒸空中樓閣毫尖起好境過眼虛徘徊
泱泱漭漭天風來樓船不返徐福邈何如坡老雄仙才登州
太守說奇瑞精禱感召倩君記吾民有福海氣騰三日行看
澍雨至

陳文棟

字鬱爲號南園海寧人沆長子官
兩淮掘港場大使著南園初集

過許村

幾星漁火認前村斜挂林梢月半痕雨後更添春水活櫓聲
搖夢入黃昏

沈德基

字世求一字抑隅海寧人乾隆庚子舉人

張亮復 陳浩 陳齊補 沈德基

山塘卽事

短簿祠邊日半斜
停來畫槩倚吳娃
珠簾不捲春風度
大有閒情欸落花

倪善理

字觀國一字禺山海寧人乾隆己酉舉人著西疇遺草

喜晴

一夜蕭蕭滴雨聲
曉來乾鵲報新晴
雲移別浦寒猶在水
滿前溪漲未平
嵐影好添春樹綠
日光徐度遠山明
閒窗最愛東風過
坐聽黃鸝到處明

金

字雲木號問山錢塘人著紫竹山房稿

登南屏山

清吟坐幽壑
斜陽問西嶺
嶺畔多喬松
松色亂山影
幽懷謝塵氛
眷此蕭閒境
詩成復徘徊
暮色寫寒景
濤聲落秋衣

片蒼雲冷

皋亭看桃花

出郭雨初霽
沿緣渡曉關
花光爭赴水
雲影欲移山
春在浮煙外
帆行綠樹間
青帘欣在望
放艇過前灣

秋雪庵

兩岸蘆花白
溪迴路不分
門開秋水上
風颭一溪雲
落葉多寒色
遠山橫夕曛
登樓吟望久
幽思絕塵氛

蒹葭里

曲曲蘆灣路
推篷不厭看
秋聲花影碎
風冷葉聲乾
遠水隔微白
孤村生暮寒
何當謝塵事
煙艇老漁竿

南宋宮詞

榴花染得御衣黃
並蒂蓮開水殿香
宴罷內官傳隊戲
綵雲

仙子李端娘

宮衣裁得縷金羅又聽羊車別院過莫向水晶簾外望玉階

風露夜深多

陸志道

鎮海諸生

田琦紳墓志畧曰陸生志道幼失怙孝敬賦於天性族黨以陸績稱之沈靜不苟言笑舉止異常兒姿稟穎敏工屬對不假思索九歲應童子試大令奇其幼語之曰鎮海縣童生九歲生於儔人中即應聲曰大清國天子萬年令益奇之騰至媛閣飲以茶曰呼爾喫茶連步可登麒麟閣復應聲曰對廷染翰何年得到鳳凰池年十二補博士弟子員卒年僅十有五

踏青

春深捧杖出郊畿綠樹陰濃露翠微山柳迎風畱客帽野花含露濕人衣柴扉半掩無橋隔茅屋重陰有竹圍烏倦初還山徑寂相將風俗詠而歸

周

我

字恩谷仁和人僑居吳江
梨里著學吟草三卷北遊草二卷

卷

誦之暇喜爲古今體詩絕有風致余羈屑無俚亦樂與
 生晨夕誦賁生後以家貧寄遊燕中遇吾友陳芝房於
 逆旅見其詩大加賞識獨爲延醫生素嬰弱疾還歸數
 月竟死年猶未及壯也輯其遺詩釐爲五卷而授之梓
 生爲宮傅周元理姪孫台肥令謂士子勿喪父母出後
 世父事嗣母以孝聞居窮力學衆
 謂廉吏有後而竟止於此悲夫

師生誼重惜分攜何況千程賦遠離此去誰爲東道主臨行
先問北歸期一樓夜雨畱清話三載春風戀絳帷蔗境老來
應漸好天涯待寫弄璋詩夫子於前歲有失子之
成今聞姬人已有娠矣

曉發舊縣

茅店未雞鳴登車客已行百盤經峻嶺五夜出荒城樹禿疑人立星繁抵月明下帷聊假寐短夢續殘更

印事

二千里外一鞭絲匝月光陰了不知忽見棗花開似雪始驚

春盡已多時

周霞 字瑞情一字惺齋仁和人

朱春生曰惺齋為雙堂宮傅之孫望山水部之子與從兄愚谷同受業於吾師顧藹雲先生嘉慶庚申應童子試於杭城余偶過其寓時朋試者都挾兔園冊子條案作茗蠅聲而惺齋則携陳壽三國志一編點勘甚勤余洒然異之遂相與劇談連日夕時愚谷新沒語次各為歌戲久之乃未幾惺齋竟以咯血疾作不及終試事而返明年夏遂卒年甫二十已而其弟霽寄惺齋一遊草卷示余

謁于忠肅公祠

雲端推下袞龍新一載為廬萬乘身不是孫申能策鄭那教晉惠得還秦世矜赤手擎天績帝負朝衣東市人易代祠堂嚴相豆裕陵玉匣莽荆榛

吳文溥

字傳如號澹川嘉興

定香亭筆談丙辰秋按試至嘉興與試詩人雖多尚未
厭余所望試畢將行有諸生獻其父詩南野堂集二映
舟中閱之知為嘉興吳澹川文溥所作披吟終日定為
浙中詩士之冠關中草閣游編尤為直道古人澹川居
湖北汪撫軍新戎幕及歸浙謁余于杭州與語兩湖戎
事瞭如指掌頗具才略不可徒以詩人目之余出先大
父征苗刀示之澹川
走筆作歌震奪一席
陳鴻壽曰余年十二即識吳丈澹川飄然如神仙中人
能作燕門之嘯時方自關中歸應庚子
南巡名試酒後耳熱輒道遇赤脚仙事刺刺至漏盡不休報
罷後館吳門數年復涉臺海歸又見之言太兵征林
選時狀甚悉意致猶昨日也戊午同客濟南次年冬中
丞師撫浙又同依幕下輒軒餘藥丈所技訂庚申夏余
方遊師海上而丈以病歸成永訣矣所著南野堂筆記
中丞師為續刻至十二卷又著師貞備覽所見錄已刊
行散行駢體能集六朝唐宋之大成
存藁數十百篇他日當求續刻之

園居雜興

春雷起農情布穀乘和飛偕我二三子秉耒及朝暉妻孥各

來飽醉飽時鮮衣與村見烟火荷杖已復歸作苦亦自適坐
食非所希但惜田功少勿言樂歲稀今我不力耕樂歲豈無
飢

清晨有所適務農既已閒眾鳥散初景群雞逐空田時聞隔
屋春遙見孤村烟黃葉下古徑柴門各傷然亦復有佳士談
笑希古賢問我何所樂所樂衡泌間爾我非異趣聊復書其
垣

感懷

登高望蓬萊不見金銀臺白日去何已浮雲空自來樓船載
男女采藥無時回海水滂終古此人安在哉千春好顏色島
上桃花開

高樓暮吹笛恍懔有餘思浮雲浩茫茫白日杳西馳苦奏催

急觴離羣將在茲同居不覺好臨別始相悲相悲則已晚百
歲能幾時

秋夜曲

華星耿耿月當戶美人池上歌歌舞芙蓉香老秋風多風吹
流螢亂如雨夢裏輕羅不覺寒醒來步屐生離緒滿天清露
送歸人隔院啼蛩續人語

江頭野步

未暇見斜月獨行聞遠鐘秋風先我至江上落芙蓉

題張表兄枚滄浪室

茲非滄浪水却愛滄浪名秋渚見沙色暮窗聞棹聲鳥飛風
未定人語月初生相與無塵事何須更濯纓

送友人入關歌

潼關十月河冰黃凍合天地無青蒼風吹馬滑桃林雪石削
面洗蓮花霜知君倔強卽長道百二金湯佐奇抱虎皮蠻鞬
坐上頭搖筆色動西諸侯溥也家貧復何有呼兒買饌作重
九紫螯螯黃花酒同醉南樓白日西明日天涯萬里人不知
何處重攜手

吳興養蠶曲

吳興養蠶三月杪桑間女兒何窈窕黃昏側蠶至清曉露葉
縣風門巷小一眠再眠蠶愈多十株五株葉漸少安得妾身
化蠶代蠶儼妾身化葉與蠶飽

春日野步送褚表兄炳歸林暘堂

春風吹野綠芳草含餘春幽寺發疎磬白雲送歸人歸來烟
暝橫塘樹飛絮黏衣莫如雨無數鶯啼隔浦花草堂更在花

深處

懷沈大振驚客鎮番其族弟某客淮上

邊月照吳愁淮風引越舟如何雙雁影飛作兩行秋丹桂年
年落黃花處處幽故園霜雪裏歲晏各歸休

有贈

鳴鞭走馬問龍沙馬上征人颯早笳一劍少年身許國千金
破產客爲家獨行薊北山山雪不見江南樹樹花頭白歸來
豪氣盡門臨秋水註南華

蓮隱精舍訪樸上人同游王氏園看竹

一棹落花裏孤村春水香禪扉開古岸清磬度斜陽且喜邀
支遁何須問辟驅晚來吟興好行坐戀新篁

贈漁者

東津打網北津收載取霜鱗問別舟一夜西風何處醉滿江
紅樹不知秋

江頭春夜有憶

江水去不已年華亦暗流春風吹客夢楊柳作春愁此夕故
園月何人獨倚樓歸來攜素手須及捲簾秋

讀史偶書

天與山河百二雄漢家傳檄定關中留侯僅有存韓意廣武
難成佐趙功東去兒童歌故沛西來雞犬識新豐至今隴首
青青在松柏還能起大風

青門觀侯生舞劍贈沈八丈歌

侯生袖中兩秋水飛出芙蓉亂紅紫虛堂白日走精靈夾電
穿空血人皆頭更一擲幾千里碧海無聲老蛟死座中蒼髯

七十翁滿酌金罍爲生起自言年少時頭角亦頗奇彈棋與
擊劍游戲無不知雲門山中有老屋穆陵關南春草綠千年
猛虎射殺之徒手向前拔箭鏃朝馳燕馬問盧龍夜脫吳鉤
舞鸛鶴美人如花客如玉往往哀絲間豪竹分金呼管鮑作
賦邀鄉校肝膽時因酒邊露笑口却向杯中開聞道秦皇古
碑在興酣獨上琅邪臺當時搔首隘八極未肯埋沒隨蒿萊
豈知如今意蕭瑟入蜀游秦計轉拙青門瓜落秋風多白頭
看劍當悲歌途窮景短柰老何嗚呼途窮景短柰老何

晤武林舊友

當時送我入秦關萬里思君去復還一笑但看詩卷在相逢
莫放酒杯閒依稀鷗鳥通前夢約畧桃花認舊顏可惜扁舟
歸不早負他湖上好青山

送汪孝廉歸吳門

海月對愁生
霜天送客行
夜寒鴻有影
秋老樹無聲
孤艇難爲別
殘尊空復情
春風定相訪
花待闔閭城

和友人秋夜黃鶴樓相憶之作

萬古青天月
飛來黃鶴樓
故人于此夜
思我不勝秋
杳杳雲中笛
飄飄江上舟
何當共吟眺
無夢隔汀洲

懷富春山人單炤

望望富春渚
斯人不可攀
湖迴海門樹
天遠越州山
獨鶴自飲啄
白雲相往還
中年淪世味
花藥閉禪關

楚江秋思

秋色來天地
滄江一夕風
美人湘浦上
涼雁雨聲中
桂子搖芳砌
芙蓉落粉紅
相思不相見
長防楚雲空

春日過樸上人鶴洲精舍

出門愜所適遂訪遠公居好風林下來真香滿空虛細草藉
趺坐春流澹歸墟移橈牽紫荇垂釣依綠蒲蒼然水木會道
心魚鳥俱相與何必深觀物各有餘鶴洲見明月浩詠還吾
廬

曉雨初歇歸舟抵家作

宿雨濕溪夢秋泉鳴草根灑衣林吹亂迎棹水雲翻黃葉欲
藏屋寒雞方候門回看荷鋤者歷歷引孤村

新月

纖纖月照睂見月還相思清輝半邊闕似妾獨眠時

角枕

角枕粲如此羅衣寒自知更無人到處祇有月來時花氣侵

虛幌桐陰占小池
姮娥不解語誰與訴相思

酬許處士

比屋如船小孤村傍水紆禽聲連暮竹魚影聚新蒲
沒屐花深淺霑衣雨有無幽期數來往驚鳴亦相呼

題山舍

雲裏寄茅屋一峯天四鄰竹潭秋洗鶴花欄夜熏人
風月似前世漁樵皆古民霏微下山路回望失嶙峋

金山月夜渡江

天近月當頭山高風滿樓半空涼露下一片大江秋
燈火影漁棹星河搖客舟青冥無泊處孤興極滄洲

盧生歌

盧生生騎渥洼馬斜壓赫連刀腰間一隻箭疊射雙卓鵬
從

軍三十年出塞幾萬里破羌都護喜竝騎校尉材官結兄弟
河湟健兒身手麤亦能射虎彎兩弧如此數百輩皆言此技
今所無清時雨露洗金革乾坤灑落櫓槍滅燉煌城北春連
天焉支山南花照雪關門坎坎戍鼓催幕府烏烏羌管裂美
人半醉鞞脫錦壯士長歌衣解鐵盧生兮盧生嗟爾頭白何
爲哉驅馬帶刀歸去來悲風韓信宅落葉劉伶臺酒徒同寂
寞英雄共蒿萊我游淮陰立馬裴回登城四顧蒼然天開長
淮之水無停流白日欲墮西山頭男兒結髮重交游老死白
骨無人收吁嗟盧生使我愁

蒼鷹

白日走蒼氣一飛無九垓傑毛搏雪下凡血灑風來神速天
無割憑陵石欲開驅除因此物饑附莫相猜必得英雄士方

資猛利材平生笑劉表秋草沒荆臺

江頭賣花如

雨後桃花雪後梅勸君多買幾枝回明年縱使花如舊未必
看花君又來

十一湖

先春早花動紅白綴厓谷桐樹耀深黃茶林慘老綠裂石寒
有校滄泉潢其腹陂陁十一湖澆濁東西麓飛雨巖上過白
日峽底浴虛空照頽霞織裊垂攸竹我生嗜奇最幽討日不
足停車拈禿管得句書短牘火急追亾遺清景難再逐

從軍行

男兒七尺軀未可埋蓬蒿束髮隸軍籍猛氣干青霄插我壺
中箭磨我架上刀揮手別親友南海風蕭蕭從軍豈不苦恩

義無可逃入營拜主將赴敵殲賊豪一手挽人頭一手持杯
醵雖蒙寄勲簿豈敢私微勞醕飲且快意大笑驚兒曹

桐江回棹過釣臺懷古

又見高臺月色新水流花發漢時春先生無意輕當世天子
有情重故人磻上暮年還舊跡淮陰末路未全身輸他便著
羊裘老萬古江山一釣綸

贈宋大樽

我意渺人世君身老謫仙要騎雙鶴去拍手萬松巔瑤島架
詩筆銀河瀉酒泉軟紅塵十丈不到白雲邊

兩浙輜軒錄卷三十八

兩浙輜軒錄

卷三十八

吳文溥

七